

La Scoles Ladines se anconta

Na ancunteda storica interladina a nivel scolastich ie unida a s' l dé nstadi, aldò de chël che fova unì fat ora te na ancunteda de reprejentanc de Sëuramont cun l cunsëi dl Istitut Pedagogich Ladin a Bulsan

Scola - Chël che ie unit ora tler fova che n dëssa lauré inant de chësc viers nce tl dauni.

La delegazion dla Scola ladina dla Provincia de Bulsan fova metuda adum dal ntendënt Roland Verra, la sëurastanta dla scoles de Fascia Mirella Florian, l diretëur de Repartizion Alexander Prinoth, l diretëur dl IPL Theodor Rifesser, l'ispetëures Edith Ploner y Rosmarie Crazzolara, l professëur de Università de Ladinistica Paul Videsott y i diretëures dla scolines y dla scoles ladines dla Provincia de Bulsan cun si colegs de Sëuramont y Ampëz.

L fin prinzipel fova chël de sopië la cunlaurazion danter la scoles ladines dla Provincia de Bulsan y la scoles de Fedom y Ampëz. Cun chësta idea à la delegazion ulù vijitë chësta scoles per giauri stredes nueves de cuntat didatich y nterladin.

N à ulù vijitë la realtà scolastica de chisc luesc se baratan ora esperienzes, cunfruntan una na realtà cun l'otra. Truepa tematiche cunesciudes, n valgunes manco ma n generel fòvel zënzauter positif a udëi l svilup y la realtà dla scoles y scolines tla valedes ujines. A Reba de Fedom iesen jic a ti cialé **ala scolina y a La Pli de Fedom ala scola mesana**. N à pudù udëi che l vën fat ativeites ntressantes nce per ladin, scebën che la normativa dl post ne vëija nia danora n nseniamënt curiculer tla rujeneda ladina. Da dedò iesen furnei via n Ampëz a ti cialé ala Scola d'Ert,

cun chëla che n à bele metù a jì n valgun proiec deberieda ti ani passei, danter l auter tl cheder dl program "Scuntrar". Te unì scola iel unì prejentà la didatica y la carateristiches dla materies de nseniamënt dla scola nstëssa. Sambën che la realtà y l urdenamënt scolastich ie desferënt che tla Provincia de Bulsan, ma purmpò àn udù y abinà cuncurdanzen. Domesdì fòvel pona mo n'ancunteda cun reprejentanc dla Regules de Anpezo che à purtà dant si statuc y si lëur per manteni la cuntreda y l ambient local. La idea ie unida a s' l dé da pert dl ntendënt scolastich ladin Roland Verra, che à sottrissà ntan la ancunteda che chësta cunlaurazion dëssa jì inant y se svilup dl miëur viers, a na maniera che duta la cin' valedes ladines posse avëi vantajes a bën dl nseniamënt scolastich y dla cultura ladina.

Dalong y daujin

"L ie da mé ora na ucasion percunëscer na situazion da stramp dalonc y tl medemo mumënt scialdi daujin. Y chësc ie pu ntressant. N passa na mont y udon che l ie dut n auter urdenamënt y n auter sistem y dal'otra pert fòssel da fé truep. Ie rate che da pert de chëi che reiona mo ladin tlo iel n gran nteres y l fej scialdi plajëi a cunlauré. Sambën che tré ite l mond dla scola, defin de rujeneda taliana, ie mpue' n problem, ma sce l ie n proiet che vel, sce l ie na cossa ntressanta,

se l'ascel dessegur cunlauré. Mi mprescion ie che l ie jënt che se proa dassënn, che à na bona ulentà de lauré, tl cheder dla pusciblteies che i à y coche l ie tler ne pössen nia se aspitë resultac che vënie te n iede. Coche l ie for tl mond dl'educazion, muessel crëscher n puech al iede y ie me n imagine nce n con' dl ladin, ajache l ie sën na situazion ntressanta, sibe n con' dl referendum y de grupes che ie tlo tla Provincia de Belun, pössel povester cun l tēmp unì n status plu segur, che l ladin devēte na materia recunesciuda sciche l'altres.

Da mé ora, chël che pudon fé y chël che fajon pu ie chël de mēter a despusizion nosc material didatich, nosta furnazion per i nseniānc y mēter a jì scumenciadives deberieda. Pona sce l ie dejidrā, sce l ie la ulentā de avēi nosta cunsulēnza, da pert dl urdenamēt, sons sambēn a una de judē, ma chël ie mé sce ēi se l damanda," à dit l Ntendēt dla scola ladin Roland Verra.

A saludé i reprejentanc dla scoles ladines fòvel nce l'assessëura dla Provincia de Belun Daniela Templari y la Presidēta dla Union Generela dla Dolomites Elsa Zardini cun na delegazion dl post. Cun na vijita ala bela Pinacoteca "Rimoldi" ie la ancunteda fineda via, tla speranza che la cunlaurazion posse unì renfurzeda tl nteres de duta la jënt dla valedes ladines.

Daniela Villotti



La delegazion ladina.